

Na osnovu člana 5., 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 49. Poslovnika o radu Vlade Kantona Sarajevo ("Službene novine Kantona Sarajevo", broj 23/23) Vlada Kantona Sarajevo, na 25. sjednici održanoj 23.05.2024. godine, donijela je

**ODLUKU****O IZMJENAMA I DOPUNAMA POSLOVNIKA O RADU  
VLADE KANTONA SARAJEVO****Član 1.**

(Dopune člana 12.)

U članu 12. stav (2) Poslovnika o radu Vlade Kantona Sarajevo ("Službene novine Kantona Sarajevo", broj 23/23), iza riječi: "rukovodiocu Ureda za zakonodavstvo Kantona Sarajevo", dodaju se riječi: ", rukovodiocu Ureda za borbu protiv korupcije Kantona Sarajevo".

Iza stava (4) dodaje se novi stav (5) koji glasi:

"(5) Utvrđeni prijedlog dnevnog reda, Stručna služba Vlade Kantona Sarajevo dostavlja članovima Vlade i sekretarima ministarstava na službeni e-mail adresu".

**Član 2.**

(Izmjena i dopuna člana 13.)

U članu 13. stav (4) mijenja se i glasi:

"(4) U slučajevima održavanja sjednica Vlade na način predviđen u stavu (3) ovog člana, poziv za sjednicu sa prijedlogom dnevnog reda i materijalima se, pored obavještanja putem telefona dostavljaju elektronskom poštom".

Iza stava (4) dodaje se novi stav (5) koji glasi:

"(5) U slučajevima održavanja elektronske sjednice iz stava (3) ovog člana, glasanje o predloženom dnevnom redu i materijalima se može vršiti u roku od 8 sati od sata upućivanja elektronske pošte sa dnevnim redom i materijalima".

**Član 3.**

(Izmjene člana 32.)

U članu 32. stav (4) i (5) mijenjaju se i glase:

"(4) Na način propisan u stavu (2) ovog člana postupa se i u slučaju utvrđivanja prijedloga uredbe i drugih akata Vlade, nakon čega se usaglašeni tekst dostavlja sekretaru Vlade radi dokumentiranja, odnosno dostavljanja relevantnim subjektima.

(5) Usaglašenost tekstova materijala iz stava (2), (3) i (4) ovog člana svojim potpisom potvrđuje rukovodilac kantonalnog organa - predlagača materijala."

**Član 4.**

(Dopuna člana 43.)

U članu 43. stav (4), iza riječi: "u službenim prostorijama", dodaju se riječi: "Stručne službe" i nastavlja postojeći tekst.

**Član 5.**

(Brisanje člana 50.)

Član 50. briše se.

**Član 6.**

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-29617-16/24

23. maja 2024. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i Zaključkom Vlade Kantona Sarajevo broj 02-04-53347-52/23 od 28.12.2023. godine, a u vezi sa Zaključkom Vlade Kantona Sarajevo broj 02-04-37009-31/23 od 24. 08. 2023. godine, Vlada Kantona Sarajevo, na 25. sjednici održanoj 23.05.2024. godine, donijela je

**ODLUKU****O DAVANJU SAGLASNOSTI OSNOVNIM I SREDNJIM  
ŠKOLAMA KAO JAVNIM USTANOVAMA NA  
PODRUČJU KANTONA SARAJEVO ZA POPUNU  
UPRAŽNJENIH RADNIH MJESTA ZA POZICIJU  
PSIHOLOG****I**

Daje se saglasnost osnovnim i srednjim školama kao javnim ustanovama na području Kantona Sarajevo za popunu upražnjenih radnih mjesta - psiholog (stručni saradnik) za zaključenje ugovora o radu na neodređeno vrijeme, a prema tabeli koja je sastavni dio ove odluke.

**II**

Osnovne i srednje škole kao javne ustanove na području Kantona Sarajevo popunu radnih mjesta, odnosno prijem radnika na neodređeno radno vrijeme iz tačke I ove odluke dužne su izvršiti putem javnog konkursa uz obavezno poštovanje procedure propisane zakonom i podzakonskim aktima kojima se reguliše ova oblast.

**III**

Za realizaciju ove odluke zadužuju se osnovne i srednje škole kao javne ustanove na području Kantona Sarajevo, Ministarstvo za odgoj i obrazovanje Sarajevo i Ministarstvo finansija Kantona Sarajevo, svako u okviru svojih nadležnosti.

**IV**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-29617-17/24

23. maja 2024. godine

Sarajevo

Premijer

Nihad Uk, s. r.

**Saglasnost za popunu upražnjenih radnih mjesta (psiholog)  
u osnovnim i srednjim školama na neodređeno vrijeme****Stručni saradnik - psiholog u osnovnim školama**

Red. broj	Naziv osnovne škole	Broj nastavnih časova/radnih sati	Vrijeme potrebe za radnikom (od - do)
1	JU OŠ "Zahid Baručija"	20	OD OKONČANJA KONKURSNE PROCEDURE, A NE PRIJE 01.09.2024. GODINE NA NEODREĐENO RADNO VRIJEME
2	JU OŠ "Zajko Delić"	15	OD OKONČANJA KONKURSNE PROCEDURE, A NE PRIJE 01.09.2024. GODINE NA NEODREĐENO RADNO VRIJEME
3	JU OŠ "Izet Šabić"	20	OD OKONČANJA KONKURSNE PROCEDURE, A NE PRIJE 01.09.2024. GODINE NA NEODREĐENO RADNO VRIJEME
4	JU OŠ "Porodice sf. Ramić"	20	OD OKONČANJA KONKURSNE PROCEDURE, A NE PRIJE 01.09.2024. GODINE NA NEODREĐENO RADNO VRIJEME
5	JU OŠ "Podlugovi"	15	OD OKONČANJA KONKURSNE PROCEDURE, A NE PRIJE 01.09.2024. GODINE NA NEODREĐENO RADNO VRIJEME